



Broj: 01-50-1-15-29/25

Sarajevo, 12. 6. 2025.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:		15-07-2025	
Organizaciona jedinica	Klasifikaciona oznaka	Redni broj	Broj prijema

ZAPISNIK

29. sjednice Predstavničkog doma

Parlamentarne skupštine Bosne i Hercegovine,

održane 12. 6. 2025.

Sjednica je počela u 11. 36 sati. Prisustvovalo je 40 poslanika.

Odsustvovali su Aida Baručija i Šemsudin Mehmedović.

Sjednici su prisustvovali: predsjedavajuća Vijeća ministara BiH Borjana Krišto, ministar pravde BiH Davor Bunoza, zamjenik ministra sigurnosti BiH Ivica Bošnjak i zamjenik ministra pravde BiH Elvir Mahmuzić.

Sjednicu su pratili predstavnici: Ministarstva pravde BiH, Ministarstva za ljudska prava i izbjeglice BiH, Ureda Brčko Distrikta BiH pri Vijeću ministara BiH, Institucije ombudsmena za ljudska prava BiH, Ureda za razmatranje žalbi BiH, Vijeća Regulatorne agencije za komunikacije BiH, Agencije za javne nabavke BiH i Samostalnog sindikata radnika u BHRT-u.

Iz međunarodnih organizacija sjednicu su pratili predstavnici OSCE-a i Vijeća Evrope, te predstavnica Ambasade Republike Hrvatske u Bosni i Hercegovini.

U skladu s članom 167. Poslovnika, na početku sjednice, a prije rasprave o dnevnom redu, poslanicima je omogućeno postavljanje poslaničkih pitanja u usmenoj formi.

Jasmin Emrić postavio je na prošloj sjednici pitanje zamjeniku ministra sigurnosti BiH, ali s obzirom na to da zamjenik ministra Ivica Bošnjak nije prisustvovao sjednici, Jasmin Emrić zatražio je da se na današnjoj sjednici da usmeni odgovor, u skladu s članom 169. Poslovnika, kao i da se dostavi u pisanoj formi. Odgovor je dostavljen, te Jasmin Emrić nije ponovo postavljao navedeno pitanje.

U skladu s članom 168. Poslovnika, najave za postavljanje poslaničkih pitanja u usmenoj formi dostavili su sljedeći poslanici:

- Midhat Čaušević – ministru komunikacija i prometa BiH,
- Jasmin Emrić – predsjedavajućoj Vijeća ministara BiH,
- Branislav Borenović - predsjedavajućoj Vijeća ministara BiH.

Ove najave su, u skladu s članom 168. stav (2) Poslovnika, dostavljene predsjedavajućoj Vijeća ministara BiH i onom članu Vijeća ministara BiH na kojeg se pitanje odnosi.

Sadržaj postavljenih pitanja je sljedeći: ¹

Midhat Čaušević

“Ja sam imao namjeru postaviti pitanje ministru saobraćaja i komunikacija gosp. Forti. Vidim da nije prisutan, nisam iskreno ni očekivao da će doći da sasluša ono što će biti predmet pitanja, ali evo shodno ukazanoj prilici želim još jednom aktuelizirati pitanje, odnosno problem vozača, prevoznika u BiH. Bili smo nedavno svjedoci prvog protestnog okupljanja same ove populacije i vidjeli smo kako je to izgledalo kroz centar Sarajeva. Ono što možemo pročitati iz medija da su najavljene i nove blokade i u tom smislu sam imao potrebu pitati ministra šta konkretno poduzima kako ne bismo doživjeli jedan takav scenarij kao što je blokada granica države BiH. Očito da ministra to puno ne zanima, jer da ga zanima, saslušao bi, između ostalog, i ovo pitanje i ponudio odgovor kako nama poslanicima, tako i javnosti, a pitanje bi se konkretno odnosilo na to šta on poduzima, evo navest ću samo četiri stavke, prije svega da se omogući smanjenje godina života za polaganje vozačkog ispita za C i CE kategoriju. Evropska je praksa da je to smanjeno sa 21 godine na 18 ili 19. Veliki je to problem za samu ovu populaciju. Zatim, šta konkretno Ministarstvo poduzima na pitanju rješavanja stikera koji su dokaz o registraciji. Stiker traje, stiker treba da potvrdi registraciju koja traje godinu dana, a u isto vrijeme (...) registracija traje godinu dana, a taj stiker se mijenja svakih šest mjeseci, očito da se nekom pogoduje po tom principu. Zamjenska tablica, svugdje u svijetu kada izgubite zamjensku tablicu dobijete novu, kod nas se ovdje kompletna procedura mora izvršiti kao da na novo registrujete vozilo što iziskuje nove troškove i čitavu proceduru kako bi se riješio ovaj problem. Sve ovo o čemu govorim ima utemeljenje u zakonu i moglo bi se vrlo lako implementirati, ali očito da nema volje. Da ne govorim o problemu vraćanja, odnosno nepostojanja mogućnosti da se vrate sredstva od akciza koje su enormno, da kažem tako, značajan prihod u budžetu, a mogle bi se vratiti ovoj populaciji i sve ono što može doprinijeti kroz jedan konstruktivan razgovor. Naglašavam da u razgovoru s ovom populacijom ne postoji konstruktivan dijalog, da ne postoji konkretne radnje koje bi mogle doprinijeti rješenju ovih i ovakvih problema. Ova grupacija ljudi je dobro organizovana. Naglašavam i to hoću da javnost zna i ovaj Parlament, da oni okupljaju 43.000 ljudi kroz konzorcij koji, između ostalog, evo i predstavlja. Žao mi je što nema ministra, uputit ću pitanje u pisanoj formi. Vjerujem da ću dobiti odgovore na neka od ovih pitanja. Ako ne dobijemo odgovore i ne vidimo reakciju ministra, poduzet ćemo mi kao poslanici konkretne aktivnosti na izmjene zakona.”

S obzirom na to da sjednici nije prisustvovao ministar komunikacija i prometa BiH Edin Forto, potrebno je da se odgovor dostavi u pisanoj formi.

¹ Sadržaj postavljenih pitanja preuzet je iz dijela neautoriziranog transkripta 29. sjednice Predstavničkog doma.

Jasmin Emrić

“Prije tri dana održano je javno otvaranje ponuda za kupovinu zgrade za potrebe smještaja Uprave za indirektno oporezivanje BiH u Banja Luci. Na javni oglas pristigla je jedna ponuda i gle čuda kako su objavili mediji samo sat vremena prije zatvaranja javnog poziva javlja se vjerovali ili ne, već i od ranije poznat ponuđač firma Grand Trade d.o.o.. Za 7.000m² poslovnog prostora i za 140 parking mjesta iz oba lota javne nabavke oni traže minornih 98,5 miliona KM, dakle nije više ni 100 miliona KM, odnosno samo nešto malo više od 14.000,00 po kvadratu. Kako bi spriječili ovu dugogodišnju sumnjivu nabavku koja smrdi na korupciju visokog nivoa, Komisija za borbu protiv korupcije provela je javno saslušanje svih relevantnih subjekata, podnijela izvještaj Predstavničkom domu koji je s predloženim zaključcima usvojen na sjednici koja je održana 15. aprila ove godine. Zaključkom pod rednim brojem 2. Predstavnički dom zahtijeva od Vijeća ministara BiH, Upravnog odbora i rukovodstva Uprave za indirektno oporezivanje BiH da u roku od sedam dana obustave i stave van snage nabavku koja je pokrenuta obavještenjem o nabavci s brojem i datumom na Portalu javnih nabavki. Budući da predmetna javna nabavka nije obustavljena niti je stavljena van snage, već suprotno od zahtjeva Predstavničkog doma, ona je nastavljena te je u fazi realizacije, postavljam pitanje predsjedavajućoj Vijeća ministara BiH. Šta je Vijeće ministara BiH poduzelo, koje konkretne postupke i radnje kako bi se ispoštovao zaključak i zahtjev Predstavničkog doma, te obustavio i stavio van snage otvoreni postupak javne nabavke za kupovinu postojećeg građevinskog objekta na području grada Banje Luke za potrebe smještaja zaposlenih i prateće opreme Uprave za indirektno oporezivanje BiH za glavni ured i sjedište Regionalnog centra Banja Luka?”

Odgovor na pitanje dala je predsjedavajuća Vijeća ministara BiH Borjana Krišto. Jasmin Emrić izrazio je nezadovoljstvo dobivenim odgovorom i zatražio dostavu odgovora u pisanoj formi.

Branislav Borenović

“Moje pitanje je bilo identično, i da ga ne ponavljam, ali i iz odgovora koji sam dobio od predsjedavajuće Savjeta ministara BiH ću uputiti neku vrstu izmijenjenog pitanja. Zaista sam šokiran kao vjerujem i svi vi i javnost u ovoj zemlji saznanjima o jednoj toliko očiglednoj i jasno namještenoj javnoj nabavci koja se namješta već više od 10 godina isključivo i samo za jednog ponuđača od te tzv. kumovske zgrade ljudi koji su u kumovskim vezama s prvim čovjekom vladajućeg SNSD-a. 98,5 miliona KM je namješteno očigledno za tu isključivo ciljanu zgradu kumovsku i tu javnu nabavku. I ono što smo mi uradili ovdje u Predstavničkom domu, kao što smo i radili prije nekoliko godina kada smo birali ovaj Savjet ministara, donijeli smo 15. aprila odluku da zahtijevamo od Savjeta ministara BiH, od Upravnog odbora Uprave za indirektno oporezivanje BiH i od Uprave za indirektno oporezivanje BiH obustavu i stavljanje van snage ove javne nabavke u roku od sedam dana. Pošto ste nam Vi dali odgovor, uvažena predsjedavajuća, ja vas izuzetno cijenim, moje dodatno pitanje – od 15. aprila do današnjeg dana koliko ste održali sjednica Savjeta ministara BiH i zašto niste stavili na dnevni red Savjeta ministara BiH u tom periodu ovaj zaključak Predstavničkog doma zakonodavnog tijela koje se nalazi iznad izvršne vlasti kako u svakoj zemlji, tako i u Bosni i Hercegovini. Zašto to niste uradili? Koliko ste u tom periodu imali sjednica Savjeta ministara BiH i zašto ste se odlučili da tek danas na današnjoj sjednici dajete ovaj zaključak Predstavničkog doma na

razmatranje Savjetu ministara? Šta je bio razlog da to ne uradite s obzirom na to da se radi o jednom urgentnom procesu, s obzirom da se radi o zaključku kojim je definisano u roku od sedam dana od 15. aprila, zašto to niste do sada uradili i zašto to radite tek, kako ste nam rekli, danas?"

Odgovor na pitanje dala je predsjedavajuća Vijeća ministara BiH Borjana Krišto. Branislav Borenović zatražio je da se odgovor dostavi u pisanoj formi.

Predsjedavajući je, povodom utvrđivanja dnevnog reda, rekao sljedeće:

S dnevnog reda, na zahtjev Ustavnopravne komisije, skinuta je ranija:

- **Tačka 11.** Godišnji izvještaj Visokog sudskog i tužilačkog vijeća BiH za 2024. godinu, broj: 01,02-50-18-1157/25 od 16. 5. 2025.

Na zahtjev Zajedničke komisije za odbranu i sigurnost BiH skinuta je ranija:

- **Tačka 14.** Informacija o stanju u oblasti migracija u Bosni i Hercegovini za 2024. godinu, podnosilac: Ministarstvo sigurnosti BiH, broj: 01,03/1-50-18-1098/25 od 8. 5. 2025.

Na dnevni red dodate su:

- **Tačka 3.** Prijedlog zakona o izmjenama i dopunama Zakona o Vijeću ministara Bosne i Hercegovine, predlagač: poslanik Jasmin Emrić, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-1314/25 od 5. 6. 2025;
- **Tačka 4.** Prijedlog zakona o dopuni Zakona o Javnom radiotelevizijskom servisu Bosne i Hercegovine, predlagač: poslanici iz Kluba SDA Šerif Špago, Safet Kešo, Denijal Tulumović, Šemsudin Dedić, Edin Ramić, Nermin Mandra, Midhat Čaušević i Amor Mašović, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-1321/25 od 9. 6. 2025;
- **Tačka 5.** Prijedlog zakona o izmjenama Zakona o finansiranju institucija Bosne i Hercegovine, predlagač: poslanik Marinko Čavara, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-1338/25 od 11. 6. 2025;
- **Tačka 16.** Analiza stanja Javnog radiotelevizijskog servisa Bosne i Hercegovine (BHRT) s prijedlogom mjera i zaključaka za prevazilaženje trenutnog alarmantnog finansijskog kolapsa, kao i uspostavljanje efikasnog dugoročnog modela finansiranja i

funkcioniranja BHRT-a, podnosilac: Komisija za saobraćaj i komunikacije Predstavničkog doma Parlamentarne skupštine BiH, broj: 01/5-50-1-1311/25 od 5. 6. 2025;

- **Tačka 19.** Poslanička inicijativa Denisa Zvizdića, Saše Magazinovića, Nihada Omerovića, Sabine Ćudić i Jasmina Emrića kojom Predstavnički dom Parlamentarne skupštine BiH inicira da Vijeće ministara BiH pokrene proceduru potpisivanja Sporazuma između Bosne i Hercegovine i Sjedinjenih Američkih Država o strateškoj saradnji u oblasti energetike u Bosni i Hercegovini, akt broj: 01-50-1-1328/25 od 10. 6. 2025.
- **Tačka 23.** Davanje saglasnosti za ratifikaciju Amandmana broj 1 na Ugovor o finansiranju (Koridor 5c Mostar Jug) zaključen od i između Bosne i Hercegovine (Zajmoprimac) i Evropske investicione banke (Banka) 26. aprila 2018. u Sarajevu (Ugovor o finansiranju) – Broj operacije (Serapis br.): 2015-0773; Broj ugovora (FI br.): 87.195, broj: 01,02-21-1-1294/25 od 2. 6. 2025. i
- **Tačka 24.** Davanje saglasnosti za ratifikaciju Amandmana broj 1 na Ugovor o finansiranju sklopljen između Bosne i Hercegovine (zajmoprimac) i Evropske investicione banke (Banka) 26. aprila 2018. (Ugovor o finansiranju) – Koridor 5c Zenica-Sjever, broj operacije (Serapis br.): 2015-0774; Ugovor broj (FI br.): 86.971, broj: 01,02-21-1-1295/25 od 2. 6. 2025.

U raspravi o dnevnom redu učestvovali su Sanja Vulić i Šerif Špago.

Sanja Vulić predložila je dopunu dnevnog reda tačkom: Informacija o stvaranju pretpostavki za nesmetan rad Predstavničkog doma u adekvatnim higijensko-epidemiološkim uslovima s prijedlogom zaključka.

Šerif Špago rekao je da je podnesen novi tekst Prijedloga zakona o dopuni Zakona o Javnom radiotelevizijskom servisu Bosne i Hercegovine, s tehničkim ispravkama u odnosu na Prijedlog zakona podnesen 9. 6. 2025.

Prijedlog Sanje Vulić za dopunu dnevnog reda nije usvojen – „za“ je glasalo 11 poslanika (iz Federacije BiH tri, iz Republike Srpske osam), „protiv“ 17, „suzdržanih“ 11.

Predsjedavajući je rekao da će se, u okviru tačke 4. izmijenjenog i dopunjenog dnevnog reda, izvršiti ispravka datuma, s obzirom na novi tekst Prijedloga zakona o dopuni Zakona o Javnom radiotelevizijskom servisu Bosne i Hercegovine.

Predsjedavajući je konstatirao da 29. sjednica Predstavničkog doma ima sljedeći

DNEVNI RED

1. Usvajanje zapisnikâ 28. sjednice, 24. hitne sjednice i 25. hitne sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Prijedlog zakona o izmjenama i dopunama Zakona o Vijeću ministara Bosne i Hercegovine, predlađač: poslanik Jasmin Emrić, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-1314/25 od 5. 6. 2025;
4. Prijedlog zakona o dopuni Zakona o Javnom radiotelevizijskom servisu Bosne i Hercegovine, predlađač: poslanici iz Kluba SDA Šerif Špago, Safet Kešo, Denijal Tulumović, Šemsudin Dedić, Edin Ramić, Nermin Mandra, Midhat Čaušević i Amor Mašović, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-1321/25 od 12. 6. 2025;
5. Prijedlog zakona o izmjenama Zakona o finansiranju institucija Bosne i Hercegovine, predlađač: poslanik Marinko Čavara, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-1338/25 od 11. 6. 2025;
6. Prijedlog zakona o dopuni Zakona o finansiranju institucija Bosne i Hercegovine, predlađač: poslanici Saša Magazinović, predsjedavajući Kluba poslanika SDPBiH, Nihad Omerović, predsjedavajući Kluba poslanika NIP, i Sabina Ćudić, predsjedavajuća Kluba poslanika NS-BHI KF, broj: 01-02-1-1122/25 od 13. 5. 2025, skraćeni postupak (drugo čitanje);
7. Prijedlog zakona o izmjenama i dopunama Zakona o zaduživanju, dugu i garancijama Bosne i Hercegovine, predlađač: poslanici Saša Magazinović, predsjedavajući Kluba poslanika SDPBiH, Nihad Omerović, predsjedavajući Kluba poslanika NIP, i Sabina Ćudić, predsjedavajuća Kluba poslanika NS-BHI KF, broj: 01-02-1-1123/25 od 13. 5. 2025, skraćeni postupak (drugo čitanje);
8. Prijedlog zakona o izmjeni Zakona o javnim nabavkama, predlađač: poslanici Saša Magazinović, predsjedavajući Kluba poslanika SDPBiH, Mira Pekić, predsjedavajuća Kluba poslanika SDS - PDP - ZA PRAVDU I RED, Nihad Omerović, predsjedavajući Kluba poslanika NIP, Sabina Ćudić, predsjedavajuća Kluba poslanika NS - BHI KF, i Jasmin Emrić, predsjedavajući Mješovitog kluba, broj: 01-02-1-1197/25 od 22. 5. 2025, skraćeni postupak (drugo čitanje);
9. Prijedlog zakona o dopunama Krivičnog zakona Bosne i Hercegovine, predlađač: poslanici Saša Magazinović, predsjedavajući Kluba poslanika SDPBiH, Mira Pekić, predsjedavajuća Kluba poslanika SDS - PDP - ZA PRAVDU I RED, Nihad Omerović, predsjedavajući Kluba poslanika NIP, Sabina Ćudić, predsjedavajuća Kluba poslanika NS - BHI KF, i Jasmin Emrić, predsjedavajući Mješovitog kluba, broj: 01-02-1-1198/25 od 22. 5. 2025, skraćeni postupak (drugo čitanje);
10. Prijedlog zakona o Sudu Bosne i Hercegovine, predlađač: poslanik Predrag Kojović, broj: 01-02-1-1196/25 od 10. 6. 2025, skraćeni postupak (prvo čitanje);
11. Izvještaj komisije Kolegija o nastojanju za postizanje saglasnosti o Zahtjevu za razmatranje Prijedloga zakona o izmjeni Zakona o Javnom radiotelevizijskom servisu Bosne i Hercegovine, predlađač: poslanik Jasmin Imamović, po hitnom postupku, u skladu s članom 133. Poslovnika, broj: 01-50-1-15-28/25, veza: 01-02-1-1037/25 od 20. 5. 2025;

12. Izvještaj o zbrinjavanju izbjeglica i stranaca pod supsidijarnom zaštitom u Bosni i Hercegovini za 2023. godinu, podnosilac: Ministarstvo za ljudska prava i izbjeglice BiH, broj: 01,02,03-41-927/25 od 10. 4. 2025;
13. Godišnji izvještaj o rezultatima aktivnosti Institucije ombudsmena za ljudska prava BiH za 2024. godinu, broj: 01-12-1-1087/25 od 5. 5. 2025;
14. Godišnji izvještaj o radu Ureda za razmatranje žalbi BiH za 2024. godinu, broj: 01,02-50-18-1193/25 od 21. 5. 2025;
15. Informacija o raspodjeli i korištenju sredstava tekuće budžetske rezerve za 2024. godinu, podnosilac: Ministarstvo finansija i trezora BiH, broj: 01,02-16-1-1084/25 od 5. 5. 2025;
16. Analiza stanja Javnog radiotelevizijskog servisa Bosne i Hercegovine (BHRT) s prijedlogom mjera i zaključaka za prevazilaženje trenutnog alarmantnog finansijskog kolapsa, kao i uspostavljanja efikasnog dugoročnog modela finansiranja i funkcioniranja BHRT-a, podnosilac: Komisija za saobraćaj i komunikacije Predstavničkog doma Parlamentarne skupštine BiH, broj: 01/5-50-1-1311/25 od 5. 6. 2025;
17. Imenovanje članova Upravnog odbora Javnog radiotelevizijskog servisa BiH iz konstitutivnih naroda i iz reda ostalih, podnosilac rang-liste kandidata: Vijeće Regulatorne agencije za komunikacije BiH, broj: 01,02-34-1-1048/25 od 25. 4. 2025;
18. Poslanička inicijativa Albina Muslića kojom Predstavnički dom Parlamentarne skupštine BiH traži od Ministarstva komunikacija i prometa BiH da, u skladu sa svojim nadležnostima, preduzme sve radnje i mjere s ciljem hitne revitalizacije Unske pruge sa aspekta razvoja željezničkog transporta Bosne i Hercegovine, te privrednog i turističkog razvoja Bosne i Hercegovine, broj: 01-50-1-1187/25 od 20. 5. 2025;
19. Poslanička inicijativa Denisa Zvizdića, Saše Magazinovića, Nihada Omerovića, Sabine Čudić i Jasmina Emrića kojom Predstavnički dom Parlamentarne skupštine BiH inicira da Vijeće ministara BiH pokrene proceduru potpisivanja Sporazuma između Bosne i Hercegovine i Sjedinjenih Američkih Država o strateškoj saradnji u oblasti energetike u Bosni i Hercegovini, akt broj: 01-50-1-1328/25 od 10. 6. 2025;
20. Davanje saglasnosti za ratifikaciju izmjena i dopuna Statuta Organizacije ujedinjenih naroda za turizam i njegovog aneksa – pravila finansiranja, broj: 01,02-21-1-1073/25 od 30. 4. 2025;
21. Davanje saglasnosti za ratifikaciju Sporazuma između Bosne i Hercegovine i Crne Gore o socijalnom osiguranju i Administrativnog sporazuma za provođenje Sporazuma između Bosne i Hercegovine i Crne Gore o socijalnom osiguranju, broj: 01,02-21-1-1171/25 od 19. 5. 2025;
22. Davanje saglasnosti za ratifikaciju Sporazuma o pristupu visokom obrazovanju i prijemu na studije na Zapadnom Balkanu, broj: 01,02-21-1-1181/25 od 20. 5. 2025;
23. Davanje saglasnosti za ratifikaciju Amandmana broj I na Ugovor o finansiranju (Koridor 5c - Mostar jug) zaključen od i između Bosne i Hercegovine (zajmoprimac) i Evropske investicione banke (Banka) 26. aprila 2018. u Sarajevu (Ugovor o finansiranju) – broj operacije (Serapis broj): 2015-0773; broj ugovora (FI broj): 87.195, broj: 01,02-21-1-1294/25 od 2. 6. 2025;
24. Davanje saglasnosti za ratifikaciju Amandmana broj 1 na Ugovor o finansiranju sklopljen između Bosne i Hercegovine (zajmoprimac) i Evropske investicione banke (banka) 26.

aprila 2018. (Ugovor o finansiranju) – Koridor 5c - Zenica sjever, broj operacije (Serapis broj): 2015-0774; broj ugovora (FI broj): 86.971, broj: 01,02-21-1-1295/25 od 2. 6. 2025.

Ad. 1. Usvajanje zapisnikâ 28. sjednice, 24. hitne sjednice i 25. hitne sjednice Predstavničkog doma Parlamentarne skupštine BiH

Predsjedavajući je dao uvodne napomene. Nije bilo rasprave.

Zapisnik 28. sjednice Predstavničkog doma usvojen je s 27 glasova „za“ (iz Federacije BiH 22, iz Republike Srpske pet), pet „protiv“ i tri glasa „suzdržan“.

Zapisnik 24. hitne sjednice Predstavničkog doma usvojen je s 27 glasova „za“ (iz Federacije BiH 22, iz Republike Srpske pet), pet „protiv“ i četiri glasa „suzdržan“.

Zapisnik 25. hitne sjednice Predstavničkog doma usvojen je s 27 glasova „za“ (iz Federacije BiH 22, iz Republike Srpske pet), šest „protiv“ i tri glasa „suzdržan“.

Ad. 2. Komentari na dobivene odgovore na poslanička pitanja

Predsjedavajući je rekao da su, u skladu s članom 170. Poslovnika, do ove sjednice Predstavničkog doma pitanja u pisanoj formi postavili poslanici:

- Ermina Salkičević-Dizdarević – postavila tri pitanja,
- Šemsudin Mehmedović – postavio četiri pitanja,
- Rejhana Dervišević – postavila četiri pitanja,
- Safet Kešo – postavio dva pitanja,
- po jedno pitanje postavili su poslanici: Sabina Ćudić, Predrag Kožul, Albin Muslić, Jasmin Emrić i Saša Magazinović.
- inicijative Kolegiju Predstavničkog doma uputili su poslanici: Albin Muslić, Šemsudin Mehmedović, te poslanici: Denis Zvizdić, Saša Magazinović, Nihad Omerović, Sabina Ćudić i Jasmin Emrić.

Do današnje sjednice dostavljeni su sljedeći odgovori:

- na pitanja Aide Baručije dostavljeno je 109 odgovora,
- na pitanja Saše Magazinovića dostavljena su 33 odgovora,
- na pitanja Rejhane Dervišević dostavljena su 44 odgovora,
- na pitanja Jasmina Emrića dostavljeno je pet odgovora,

- na pitanja Šemsudina Mehmedovića dostavljena su dva odgovora,
- na pitanja Šemsudina Dedića dostavljena su dva odgovora,
- na pitanja Ermine Salkičević-Dizdarević dostavljena su četiri odgovora,
- na pitanja Albina Muslića dostavljena su tri odgovora,
- na pitanja Safeta Keše dostavljena su tri odgovora,
- na pitanja Predraga Kožula dostavljeno je deset odgovora,
- po jedan odgovor dostavljen je na pitanja: Sabine Ćudić i Šerifa Špage, te odgovor na pitanje koje su zajednički postavili: Sabina Ćudić, Aida Baručija i Predrag Kojović.

Odgovore su komentirali: Albin Muslić, Jasmin Emrić, Safet Kešo i Ermina Salkičević-Dizdarević.

Ad. 3. Prijedlog zakona o izmjenama i dopunama Zakona o Vijeću ministara Bosne i Hercegovine, predlagač: poslanik Jasmin Emrić, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-1314/25 od 5. 6. 2025.

Predsjedavajući je dao uvodne napomene. Jasmin Emrić obrazložio je zahtjev za hitni postupak. Diskutirao je Predrag Kožul.

Zahtjev poslanika Jasmina Emrića za razmatranje Prijedloga zakona o izmjenama i dopunama Zakona o Vijeću ministara Bosne i Hercegovine po hitnom postupku, u skladu s članom 133. Poslovnika, usvojen je s 25 glasova „za“ (iz Federacije BiH 20, iz Republike Srpske pet), devet „protiv“ i jednim glasom „suzdržan“.

Jasmin Emrić obrazložio je Prijedlog zakona.

U raspravi o Prijedlogu zakona učestvovali su: Nihad Omerović, Šerif Špago, Sanja Vulić, Safet Kešo, Zlatan Begić, Milorad Kojić, Predrag Kožul, Branislav Borenović i Jasmin Emrić.

Prijedlog zakona o izmjenama i dopunama Zakona o Vijeću ministara Bosne i Hercegovine usvojen je s 23 glasa „za“ (iz Federacije BiH 17, iz Republike Srpske šest), devet „protiv“ i pet glasova „suzdržan“.

Na prijedlog Jasmina Emrića, s 18 glasova „za“ (iz Federacije BiH 13, iz Republike Srpske pet), devet „protiv“ i deset glasova „suzdržan“, usvojen je sljedeći zaključak: „Na osnovu člana 124. Poslovnika Doma naroda ('Službeni glasnik BiH', br. 58/14, 88/15, 96/15, 53/16 i 71/24), Predstavnički dom Parlamentarne skupštine BiH traži od Doma naroda Parlamentarne skupštine BiH da Prijedlog zakona o izmjenama i dopunama Zakona o Vijeću ministara Bosne i Hercegovine, koji je Predstavnički dom usvojio na 29. sjednici, održanoj 12. 6. 2025, razmatra po hitnom postupku.“

Ad. 4. Prijedlog zakona o dopuni Zakona o Javnom radiotelevizijskom servisu Bosne i Hercegovine, predlađač: poslanici iz Kluba SDA Šerif Špago, Safet Kešo, Denijal Tulumović, Šemsudin Dedić, Edin Ramić, Nermin Mandra, Midhat Čaušević i Amor Mašović, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-1321/25 od 12. 6. 2025.

Predsjedavajući je dao uvodne napomene. Šerif Špago obrazložio je zahtjev za hitni postupak. Nije bilo rasprave.

„Za“ zahtjev poslanika iz Kluba SDA: Šerifa Špage, Safeta Keše, Denijala Tulumovića, Šemsudina Dedića, Edina Ramića, Nermina Mandre, Midhata Čauševića i Amora Mašovića za razmatranje Prijedloga zakona o dopuni Zakona o Javnom radiotelevizijskom servisu Bosne i Hercegovine po hitnom postupku, u skladu s članom 133. Poslovnika, glasalo je 25 poslanika (iz Federacije BiH 24, iz Republike Srpske jedan), „protiv“ deset, „suzdržana“ četiri poslanika. Predsjedavajući je konstatirao da nema potrebne entitetske većine u prvom krugu glasanja. Kolegij kao komisija je odmah obavio usaglašavanje. Saglasnost nije postignuta. U drugom krugu glasanja nije usvojen zahtjev za hitni postupak – „za“ je glasalo 26 poslanika, „protiv“ deset (iz Republike Srpske), „suzdržana“ tri poslanika.

„Za“ prijedlog da se Prijedlog zakona o dopuni Zakona o Javnom radiotelevizijskom servisu Bosne i Hercegovine razmatra po skraćenom postupku glasalo je 28 poslanika (iz Federacije BiH 26, iz Republike Srpske dva), „protiv“ devet, „suzdržan“ jedan poslanik. Predsjedavajući je konstatirao da nema potrebne entitetske većine u prvom krugu glasanja. Kolegij kao komisija odmah je obavio usaglašavanje. Saglasnost nije postignuta. U drugom krugu glasanja prihvaćen je prijedlog za skraćeni postupak – „za“ je glasalo 27 poslanika, „protiv“ devet (iz Republike Srpske), „suzdržana“ dva poslanika.

Ad. 5. Prijedlog zakona o izmjenama Zakona o finansiranju institucija Bosne i Hercegovine, predlađač: poslanik Marinko Čavara, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-1338/25 od 11. 6. 2025.

Predsjedavajući je dao uvodne napomene. Marinko Čavara obrazložio je zahtjev za hitni postupak. Nije bilo rasprave.

Zahtjev poslanika Marinka Čavare za razmatranje Prijedloga zakona o izmjenama Zakona o finansiranju institucija Bosne i Hercegovine po hitnom postupku, u skladu s članom 133. Poslovnika nije prihvaćen – „za“ je glasalo 15 poslanika (iz Federacije BiH četiri, iz Republike Srpske 11), „protiv“ 22, „suzdržan“ jedan.

Prijedlog za razmatranje Prijedloga zakona o izmjenama Zakona o finansiranju institucija Bosne i Hercegovine po skraćenom postupku nije prihvaćen – „za“ je glasalo 16 poslanika (iz Federacije BiH pet, iz Republike Srpske 11), „protiv“ 21, „suzdržan“ jedan.

Predsjedavajući je konstatirao da će se Prijedlog zakona o izmjenama Zakona o finansiranju institucija Bosne i Hercegovine razmatrati u redovnom zakonodavnom postupku.

Predsjedavajući je, na sugestiju poslanika Saše Magazinovića, predložio da se objedini rasprava o tačkama 6. i 7. dnevnog reda. S 26 glasova „za“ (iz Federacije BiH 21, iz Republike Srpske pet), pet „protiv“ i dva glasa „suzdržan“, prihvaćen je prijedlog za objedinjavanje rasprave o tačkama 6. i 7. dnevnog reda.

Ad. 6. Prijedlog zakona o dopuni Zakona o finansiranju institucija Bosne i Hercegovine, predlagač: poslanici Saša Magazinović, predsjedavajući Kluba poslanika SDPBiH, Nihad Omerović, predsjedavajući Kluba poslanika NIP, i Sabina Ćudić, predsjedavajuća Kluba poslanika NS-BHI KF, broj: 01-02-1-1122/25 od 13. 5. 2025, skraćeni postupak (drugo čitanje)

Ad. 7. Prijedlog zakona o izmjenama i dopunama Zakona o zaduživanju, dugu i garancijama Bosne i Hercegovine, predlagač: poslanici Saša Magazinović, predsjedavajući Kluba poslanika SDPBiH, Nihad Omerović, predsjedavajući Kluba poslanika NIP, i Sabina Ćudić, predsjedavajuća Kluba poslanika NS-BHI KF, broj: 01-02-1-1123/25 od 13. 5. 2025, skraćeni postupak (drugo čitanje)

Predsjedavajući je dao uvodne napomene. Diskutirao je Saša Magazinović.

Nije bilo rasprave.

Prijedlog zakona o dopuni Zakona o finansiranju institucija Bosne i Hercegovine usvojen je u drugom čitanju s 26 glasova „za“ (iz Federacije BiH 21, iz Republike Srpske pet), pet „protiv“ i šest glasova „suzdržan“.

Prijedlog zakona o izmjenama i dopunama Zakona o zaduživanju, dugu i garancijama Bosne i Hercegovine usvojen je u drugom čitanju s 26 glasova „za“ (iz Federacije BiH 21, iz Republike Srpske pet), pet „protiv“ i šest glasova „suzdržan“.

Predsjedavajući je predložio da se objedini rasprava o tačkama 8. i 9. dnevnog reda.

Prijedlog nije prihvaćen – „za“ je glasalo 26 poslanika (iz Federacije BiH 22, iz Republike Srpske četiri), „protiv“ pet, „suzdržan“ jedan poslanik.

Ad. 8. Prijedlog zakona o izmjeni Zakona o javnim nabavkama, predlađač: poslanici Saša Magazinović, predsjedavajući Kluba poslanika SDPBiH, Mira Pekić, predsjedavajuća Kluba poslanika SDS - PDP - ZA PRAVDU I RED, Nihad Omerović, predsjedavajući Kluba poslanika NIP, Sabina Ćudić, predsjedavajuća Kluba poslanika NS - BHI KF, i Jasmin Emrić, predsjedavajući Mješovitog kluba, broj: 01-02-1-1197/25 od 22. 5. 2025, skraćeni postupak (drugo čitanje)

Predsjedavajući je dao uvodne napomene.

U raspravi su učestvovali: Saša Magazinović, Milorad Kojić, Branislav Borenović, Sanja Vulić, Darko Babalj, Nihad Omerović, Milan Petković, Ljubica Miljanović, Mia Karamehić-Abazović, Miroslav Vujičić, Albin Muslić, Šerif Špago, Midhat Čaušević, Sabina Ćudić, Zlatan Begić i Mira Pekić.

Prijedlog zakona o izmjeni Zakona o javnim nabavkama usvojen je u drugom čitanju s 27 glasova „za“ (iz Federacije BiH 21, iz Republike Srpske šest), pet „protiv“ i pet glasova „suzdržan“, čime su usvojeni amandmani sadržani u Izvještaju Komisije za finansije i budžet, koji glase:

Amandman I.

U članu 1. Prijedloga zakona o izmjeni Zakona o javnim nabavkama, kojim se mijenja član 116. Zakona o javnim nabavkama („Službeni glasnik BiH“, br. 39/14, 59/22 i 50/24), stav (3) mijenja se i glasi:

„(3) Uz novčanu kaznu, svakom odgovornom licu u ugovornom organu, za koje sud utvrdi da je počinilo prekršaj iz stava (1) ovog člana, izriče se i zaštitna mjera zabrana vršenja poziva, djelatnosti ili dužnosti u trajanju do šest mjeseci zavisno od okolnosti pod kojima je počinjen prekršaj, a u skladu sa zakonima kojima se reguliraju radni odnosi.“

Amandman II.

U članu 1. Prijedloga zakona o izmjeni Zakona o javnim nabavkama, kojim se mijenja član 116. Zakona o javnim nabavkama („Službeni glasnik BiH“, br. 39/14, 59/22 i 50/24), u stavu (4) brišu se tač. c), d) i e).

Amandman III.

U članu 1. Prijedloga zakona o izmjeni Zakona o javnim nabavkama, kojim se mijenja član 116. Zakona o javnim nabavkama („Službeni glasnik BiH“, br. 39/14, 59/22 i 50/24), u stavu (4) tačka s) mijenja se i glasi:

„s) ako nastavi postupak javne nabavke, zaključi ugovor o javnoj nabavci ili okvirni sporazum u toku suspenzivnog djelovanja žalbe, suprotno odredbama ovog zakona, osim u slučajevima kada su ugroženi životi i/ili zdravlje stanovništva, u skladu s važećim zakonima u Bosni i Hercegovini, uz punu odgovornost ugovornog organa“.

Amandman IV.

U članu 1. Prijedloga zakona o izmjeni Zakona o javnim nabavkama, kojim se mijenja član 116. Zakona o javnim nabavkama („Službeni glasnik BiH“, br. 39/14, 59/22 i 50/24), u stavu (7) tačka b) briše se.

Amandman V.

U članu 1. Prijedloga zakona o izmjeni Zakona o javnim nabavkama, kojim se mijenja član 116. Zakona o javnim nabavkama („Službeni glasnik BiH“, br. 39/14, 59/22 i 50/24), stav (9) briše se.

Amandman VI.

U članu 1. Prijedloga zakona o izmjeni Zakona o javnim nabavkama, kojim se mijenja član 116. Zakona o javnim nabavkama („Službeni glasnik BiH“, br. 39/14, 59/22 i 50/24), stav (12) mijenja se i glasi:

„(12) Uz novčanu kaznu, svakom odgovornom licu u pravnom licu, za koje sud utvrdi da je počinilo prekršaj iz stava (10) ovog člana, izriče se i zaštitna mjera zabrana vršenja poziva, djelatnosti ili dužnosti u trajanju do šest mjeseci zavisno od okolnosti pod kojima je počinjen prekršaj, a u skladu sa zakonima kojima se reguliraju radni odnosi.“

Amandman VII.

U članu 1. Prijedloga zakona o izmjeni Zakona o javnim nabavkama, kojim se mijenja član 116. Zakona o javnim nabavkama („Službeni glasnik BiH“, br. 39/14, 59/22 i 50/24), stav (16) briše se.

Amandman VIII.

U članu 1. Prijedloga zakona o izmjeni Zakona o javnim nabavkama, kojim se mijenja član 116. Zakona o javnim nabavkama, iza stava (23) dodaju se novi st. (24), (25), (26) i (27) koji glase:

„(24) Novčanom kaznom u iznosu od 3.000,00 do 30.000,00 KM kaznit će se za prekršaj Agencija ako:

a) službenik Agencije, koji obavlja poslove iz nadležnosti Agencije, utvrdi počinjenje nekog od propisanih prekršaja iz ovog člana i/ili utvrdi sumnju u počinjenje nekog od propisanih krivičnih djela te propusti da ukaže direktoru da pokrene proces podnošenja zahtjeva za pokretanje prekršajnog postupka pred nadležnim sudom odnosno da pokrene proces prijave nadležnom tužilaštvu, pri čemu se vodi računa da se takvom prijavom nadležnom tužilaštvu ne dovede u pitanje pokretanje i vođenje prekršajnog postupka, kao i da se takvom prijavom nadležnom tužilaštvu ne dovede u pitanje pokretanje i vođenje krivičnog postupka;

b) službenik Agencije, uključujući i direktora, obavlja aktivnosti koje uključuju:

- 1) neprimjereni kontakt s ugovornim organima i privrednim subjektima;

- 2) davanje informacija koje dovode u povlašten položaj ugovorne organe i privredne subjekte u procesu javne nabavke.

(25) Novčanom kaznom u iznosu od 4.000,00 do 20.000,00 KM kaznit će se svaki službenik Agencije koji je učestvovao u radnji prekršaja i direktor za prekršaj iz stava (24) ovog člana.

(26) Novčanom kaznom u iznosu od 3.000,00 do 30.000,00 KM kaznit će se za prekršaj URŽ ako:

a) član URŽ-a, obavljajući poslove iz nadležnosti URŽ-a, utvrdi počinjenje nekog od propisanih prekršaja iz ovog člana i/ili utvrdi sumnju u počinjenje nekog od propisanih krivičnih djela te propusti da pokrene proces podnošenja zahtjeva za pokretanje prekršajnog postupka pred nadležnim sudom odnosno da pokrene proces prijave nadležnom tužilaštvu, pri čemu se vodi računa da se takvom prijavom nadležnom tužilaštvu ne dovede u pitanje pokretanje i vođenje prekršajnog postupka, kao i da se takvom prijavom nadležnom tužilaštvu ne dovede u pitanje pokretanje i vođenje krivičnog postupka;

b) član URŽ-a, koji učestvuje u donošenju odluke po žalbi, propusti da odluku po žalbi donese u skladu i u roku propisanim odredbama ovog zakona;

c) službenik URŽ-a, uključujući i člana URŽ-a, obavlja aktivnosti koje uključuju:

- 1) neprimjereni kontakt s ugovornim organima i privrednim subjektima;
- 2) davanje informacija koje dovode u povlašten položaj ugovorne organe i privredne subjekte u procesu javne nabavke.

(27) Novčanom kaznom u iznosu od 4.000,00 do 20.000,00 KM kaznit će se član URŽ-a koji je učestvovao u radnji prekršaja iz stava (26) ovog člana, kao i svaki službenik URŽ-a koji je učestvovao u radnji prekršaja iz stava (26) tačka c) ovog člana.“

Na prijedlog Saše Magazinovića, s 26 glasova „za“ (iz Federacije BiH 21, iz Republike Srpske pet), osam „protiv“ i tri glasa „suzdržan“, usvojen je sljedeći zaključak: „Predstavnički dom Parlamentarne skupštine BiH dostavlja Domu naroda Parlamentarne skupštine BiH Prijedlog zakona o izmjeni Zakona o javnim nabavkama i traži da se on razmatra po hitnom zakonodavnom postupku, u skladu s članom 124. Poslovnika Doma naroda Parlamentarne skupštine Bosne i Hercegovine ('Službeni glasnik BiH', br. 58/14, 88/15, 96/15, 53/16 i 71/24).“

Na prijedlog Saše Magazinovića, s 26 glasova „za“ (iz Federacije BiH 21, iz Republike Srpske pet), pet „protiv“ i šest glasova „suzdržan“, usvojen je i sljedeći zaključak: „Predstavnički dom Parlamentarne skupštine BiH zadužuje Stručnu službu Predstavničkog doma PSBiH da prilikom ugrađivanja usvojenih amandmana u Prijedlog zakona o izmjeni Zakona o javnim nabavkama izvrši normativno-tehničku korekciju u skladu s Jedinstvenim

pravilima za izradu pravnih propisa u institucijama BiH, a prije dostavljanja navedenog prijedloga zakona Domu naroda.“

Na prijedlog Šerifa Špage, s 32 glasa „za“ (iz Federacije BiH 26, iz Republike Srpske šest), pet „protiv“ i bez glasova „suzdržan“, usvojen je zaključak koji glasi: „Predstavnički dom Parlamentarne skupštine BiH zadužuje Vijeće ministara BiH da, u roku ne dužem od tri mjeseca, dostavi ovom domu na usvajanje prijedlog novog zakona o javnim nabavkama.“

Ad. 9. Prijedlog zakona o dopunama Krivičnog zakona Bosne i Hercegovine, predlagач:
poslanici Saša Magazinović, predsjedavajući Kluba poslanika SDPBiH, Mira Pekić, predsjedavajuća Kluba poslanika SDS - PDP - ZA PRAVDU I RED, Nihad Omerović, predsjedavajući Kluba poslanika NIP, Sabina Ćudić, predsjedavajuća Kluba poslanika NS - BHI KF, i Jasmin Emrić, predsjedavajući Mješovitog kluba, broj: 01-02-1-1198/25 od 22. 5. 2025, skraćeni postupak (drugo čitanje)

Predsjedavajući je dao uvodne napomene.

U raspravi su učestvovali Saša Magazinović i Mira Pekić.

Prijedlog zakona o dopunama Krivičnog zakona Bosne i Hercegovine usvojen je u drugom čitanju s 26 glasova „za“ (iz Federacije BiH 21, iz Republike Srpske pet), šest „protiv“ i pet glasova „suzdržan“, čime su usvojeni amandmani sadržani u Izvještaju Ustavnopravne komisije, koji glase:

Amandman I.

U članu 1. Prijedloga zakona o dopuni Krivičnog zakona Bosne i Hercegovine, kojim se dodaje član 229a, stav (5) mijenja se i glasi:

„(5) Pravnom licu može se izreći mjera sigurnosti zabrana vršenja određene djelatnosti u trajanju od šest mjeseci do pet godina.“

Amandman II.

U članu 1. Prijedloga zakona o dopuni Krivičnog zakona Bosne i Hercegovine, kojim se dodaje član 229b, stav (7) mijenja se i glasi:

„(7) Za krivično djelo iz st. (1), (2), (3) i (4) ovog člana može se izreći mjera sigurnosti zabrana vršenja određenog poziva, djelatnosti ili dužnosti u trajanju koje ne može biti kraće od jedne godine ni duže od deset godina.“

Amandman III.

U članu 1. Prijedloga zakona o dopuni Krivičnog zakona Bosne i Hercegovine postojeći naziv i tekst novog člana 229c. mijenja se i glasi:

„Kršenje zakona od strane direktora i službenika Agencije za javne nabavke Bosne i Hercegovine i člana i službenika Ureda za razmatranje žalbi Bosne i Hercegovine

Član 229c.

Direktor i službenik Agencije za javne nabavke Bosne i Hercegovine i član i službenik Ureda za razmatranje žalbi Bosne i Hercegovine koji, s ciljem da drugom pribavi kakvu korist ili da mu nanese kakvu štetu, donese nezakonitu odluku ili na drugi način prekrši zakon u vršenju svoje funkcije kaznit će se kaznom zatvora od šest mjeseci do pet godina.“

Na prijedlog Saše Magazinovića, s 25 glasova „za“ (iz Federacije BiH 20, iz Republike Srpske pet), devet „protiv“ i tri glasa „suzdržan“, usvojen je zaključak: „Predstavnički dom Parlamentarne skupštine BiH dostavlja Domu naroda Parlamentarne skupštine BiH Prijedlog zakona o dopunama Krivičnog zakona Bosne i Hercegovine i traži da se on razmatra po hitnom zakonodavnom postupku, u skladu s članom 124. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15, 53/16 i 71/24).“

Dom je, na prijedlog Saše Magazinovića, s 25 glasova „za“ (iz Federacije BiH 20, iz Republike Srpske pet), pet „protiv“ i sedam glasova „suzdržan“, usvojio i sljedeći zaključak: „Predstavnički dom Parlamentarne skupštine BiH zadužuje Stručnu službu Predstavničkog doma PSBiH da prilikom ugrađivanja usvojenih amandmana u Prijedlog zakona o dopunama Krivičnog zakona Bosne i Hercegovine izvrši normativno-tehničku korekciju u skladu s Jedinstvenim pravilima za izradu pravnih propisa u institucijama BiH, a prije dostavljanja navedenog prijedloga zakona Domu naroda.“

Ad. 10. Prijedlog zakona o Sudu Bosne i Hercegovine, predlađač: poslanik Predrag Kojović, broj: 01-02-1-1196/25 od 10. 6. 2025, skraćeni postupak (prvo čitanje)

Predsjedavajući je dao uvodne napomene. Predrag Kojović obrazložio je Prijedlog zakona. U raspravi su učestvovali: Albin Muslić, Predrag Kojović, Šerif Špago, Milorad Kojić, Midhat Čaušević, Zlatan Begić, Nihad Omerović i Sanja Vulić.

Predstavnički dom nije usvojio u prvom čitanju Prijedlog zakona o Sudu Bosne i Hercegovine - „za“ je glasalo 14 poslanika (iz Federacije BiH), „protiv“ 18, „suzdržanih“ pet.

Ad. 11. Izvještaj komisije Kolegija o nastojanju za postizanje saglasnosti o Zahtjevu za razmatranje Prijedloga zakona o izmjeni Zakona o Javnom radiotelevizijskom servisu Bosne i Hercegovine, predlađač: poslanik Jasmin Imamović, po hitnom postupku, u skladu s članom 133. Poslovnika, broj: 01-50-1-15-28/25, veza: 01-02-1-1037/25 od 20. 5. 2025.

Nakon uvodnih napomena predsjedavajućeg, nije bilo rasprave jer je okončana na prethodnoj sjednici.

U drugom krugu glasanja, s 26 glasova „za“, osam „protiv“ (iz Federacije BiH tri, iz Republike Srpske pet) i tri glasa „suzdržan“, usvojen je zahtjev Jasmina Emrića za razmatranje Prijedloga zakona o izmjeni Zakona o Javnom radiotelevizijskom servisu Bosne i Hercegovine po hitnom postupku, u skladu s članom 133. Poslovnika.

Jasmin Imamović obrazložio je Prijedlog zakona.

Šerif Špago sugerirao je da se u tekstu Prijedloga zakona riječ „dva“ zamijeni riječju „dvije“, s obzirom na to da se radi o dvije minimalne plaće u entitetu iz kojeg dolaze članovi Upravnog odbora Javnog RTV servisa. Predlagač zakona Jasmin Imamović saglasio se s predloženom korekcijom.

Prijedlog zakona o izmjeni Zakona o Javnom radiotelevizijskom servisu Bosne i Hercegovine usvojen je s 25 glasova „za“ (iz Federacije BiH 20, iz Republike Srpske pet), šest „protiv“ i šest glasova „suzdržan“.

Ad. 12. Izvještaj o zbrinjavanju izbjeglica i stranaca pod supsidijarnom zaštitom u Bosni i Hercegovini za 2023. godinu, podnosilac: Ministarstvo za ljudska prava i izbjeglice BiH, broj: 01,02,03-41-927/25 od 10. 4. 2025.

Nakon uvodnih napomena predsjedavajućeg nije bilo rasprave.

„Za“ Izvještaj o zbrinjavanju izbjeglica i stranaca pod supsidijarnom zaštitom u Bosni i Hercegovini za 2023. godinu glasalo je 16 poslanika (iz Federacije BiH), „protiv“ 13, „suzdržanih“ osam. Predsjedavajući je konstatirao da nema potrebne entitetske većine u prvom krugu glasanja. Kolegij kao komisija odmah je obavio usaglašavanje. Saglasnost nije postignuta. U drugom krugu glasanja navedeni izvještaj nije usvojen – „za“ je glasalo 15 poslanika, „protiv“ 17 (iz Federacije BiH sedam, iz Republike Srpske deset), „suzdržanih“ pet.

Ad. 13. Godišnji izvještaj o rezultatima aktivnosti Institucije ombudsmena za ljudska prava BiH za 2024. godinu, broj: 01-12-1-1087/25 od 5. 5. 2025.

Predsjedavajući je dao uvodne napomene. Nije bilo rasprave.

Godišnji izvještaj o rezultatima aktivnosti Institucije ombudsmena za ljudska prava BiH za 2024. godinu usvojen je s 28 glasova „za“ (iz Federacije BiH 23, iz Republike Srpske pet), bez glasova „protiv“ i devet glasova „suzdržan“.

Ad. 14. Godišnji izvještaj o radu Ureda za razmatranje žalbi BiH za 2024. godinu, broj: 01,02-50-18-1193/25 od 21. 5. 2025.

Predsjedavajući je dao uvodne napomene. U raspravi su učestvovali: Predrag Kožul, Saša Magazinović i Mía Karamehić-Abazović.

Domu se obratio predsjedavajući Ureda za razmatranje žalbi BiH Adin Kondžić.

Na prijedlog Predraga Kožula, s 16 glasova „za“ (iz Federacije BiH 11, iz Republike Srpske pet), 14 „protiv“ i sedam glasova „suzdržan“, usvojen je sljedeći zaključak: „Predstavnički dom Parlamentarne skupštine BiH zahtijeva od Vijeća ministara BiH da osigura zapošljavanje dodatnih državnih službenika u filijali Ureda za razmatranje žalbi Mostar, s obzirom na obim posla filijale Mostar.“

Na prijedlog Mije Karamehić-Abazović, s 18 glasova „za“ (iz Federacije BiH 13, iz Republike Srpske pet), 11 „protiv“ i osam glasova „suzdržan“, usvojen je i sljedeći zaključak: „Predstavnički dom Parlamentarne skupštine BiH zadužuje Ministarstvo finansija i trezora BiH i Vijeće ministara BiH da, u skladu s Pravilnikom o unutrašnjoj organizaciji Ureda za razmatranje žalbi, kapacitira URŽ zaposlenima u minimalnom obimu od 90% sistematiziranih radnih mjesta, budući da je trenutno zaposleno samo 38 od sistematiziranih 55 zaposlenih, odnosno samo 69% zaposlenih. Imajući u vidu veliki obim posla URŽ-a, neravnomjernu raspoređenost kadra po filijalama URŽ-a, kao i povećan obim posla URŽ-a po pitanju realizacije Zakona o slobodi pristupa informacijama ("Službeni glasnik BiH", broj 61/23), Predstavnički dom Parlamentarne skupštine BiH cijeni da je potrebno hitno osigurati optimalne ljudske potencijale za funkcioniranje Ureda.“

Godišnji izvještaj o radu Ureda za razmatranje žalbi BiH za 2024. godinu usvojen je s 24 glasa „za“ (iz Federacije BiH 16, iz Republike Srpske osam), pet „protiv“ i osam glasova „suzdržan“.

Ad. 15. Informacija o raspodjeli i korištenju sredstava tekuće budžetske rezerve za 2024. godinu, podnosilac: Ministarstvo finansija i trezora BiH, broj: 01,02-16-1-1084/25 od 5. 5. 2025.

Predsjedavajući je dao uvodne napomene. Diskutirao je Safet Kešo.

Informacija o raspodjeli i korištenju sredstava tekuće budžetske rezerve za 2024. godinu primljena je k znanju.

Ad. 16. Analiza stanja Javnog radiotelevizijskog servisa Bosne i Hercegovine (BHRT) s prijedlogom mjera i zaključaka za prevazilaženje trenutnog alarmantnog finansijskog kolapsa, kao i uspostavljanja efikasnog dugoročnog modela finansiranja i funkcioniranja BHRT-a, podnosilac: Komisija za saobraćaj i komunikacije Predstavničkog doma Parlamentarne skupštine BiH, broj: 01/5-50-1-1311/25 od 5. 6. 2025.

Predsjedavajući je dao uvodne napomene. Analizu je obrazložio predsjedavajući Komisije za saobraćaj i komunikacije Jasmin Imamović.

U raspravi su učestvovali Jasmin Emrić i Šerif Špago.

„Za“ zaključke Komisije za saobraćaj i komunikacije glasalo je 27 poslanika (iz Federacije BiH 24, iz Republike Srpske tri), „protiv“ šest, „suzdržana“ četiri poslanika. Predsjedavajući je konstatirao da nema potrebne entitetske većine u prvom krugu glasanja. Kolegij kao komisija odmah je obavio usaglašavanje. Saglasnost nije postignuta. U drugom krugu glasanja, s 27 glasova „za“, šest „protiv“ (iz Federacije BiH jedan, iz Republike Srpske pet) i četiri glasa „suzdržan“, usvojeni su zaključci, koji glase:

1. Predstavnički dom Parlamentarne skupštine BiH konstatira da je Javni radiotelevizijski servis Bosne i Hercegovine (BHRT) u ozbiljnoj opasnosti da, nakon dugotrajnog uskraćivanja stabilnog finansiranja, prestane s radom i proglasi stečaj, što je rezultat neprovođenja Zakona o Javnom radiotelevizijskom sistemu Bosne i Hercegovine iz 2005. godine.
2. Zbog izuzetno složenog finansijskog stanja BHRT-a i nemogućnosti isplate dugovanja BHRT-a po raznim osnovama (dug prema Evropskoj radiodifuznoj uniji, dug za plaće, doprinose, komunalne usluge i sl), Predstavnički dom Parlamentarne skupštine BiH nalaže Vijeću ministara BiH da se u budžetu institucija Bosne i Hercegovine planiraju i doznače finansijska sredstava u iznosu od 20.000.000,00 KM za potrebe Javnog radiotelevizijskog servisa Bosne i Hercegovine (BHRT).
3. Predstavnički dom Parlamentarne skupštine BiH traži od Vijeća Regulatorne agencije za komunikacije BiH da u roku od 15 dana, na osnovu člana 22. st. (1), (2) i (4) Zakona o Javnom radiotelevizijskom sistemu Bosne i Hercegovine, Parlamentarnoj skupštini BiH dostavi u parlamentarnu proceduru Prijedlog odluke o visini RTV takse, posebno cijeneći činjenicu da je Parlamentarna skupština BiH, postupajući po prijedlogu Agencije, donijela Odluku o visini RTV takse koja je stupila na snagu 5. juna 2015. godine („Službeni glasnik BiH“, broj 45/15).
4. Predstavnički dom Parlamentarne skupštine BiH podsjeća Vladu Federacije BiH da je Predstavnički dom Parlamentarne skupštine BiH na 22. sjednici, održanoj 22. 10. 2024, usvojio zaključak kojim predlaže Vladi Federacije BiH da hitno izmijeni član 29. stav (2) Zakona o izvršnom postupku Federacije Bosne i Hercegovine, na način da i račun za RTV taksu ili izvod iz poslovnih knjiga za cijenu RTV takse ima svojstvo vjerodostojne isprave, čime bi se omogućilo povećanje stepena naplate RTV takse u Federaciji Bosne i Hercegovine.

5. Predstavnički dom Parlamentarne skupštine BiH traži od Upravnog odbora i menadžmenta BHRT-a da, u roku od 60 dana, sačini Plan racionalizacije i konsolidacije BHRT-a i da ga dostavi Predstavničkom domu.

Ad. 17. Imenovanje članova Upravnog odbora Javnog radiotelevizijskog servisa BiH iz konstitutivnih naroda i iz reda ostalih, podnosilac rang-liste kandidata: Vijeće Regulatorne agencije za komunikacije BiH, broj: 01,02-34-1-1048/25 od 25. 4. 2025.

Predsjedavajući je dao uvodne napomene. Nije bilo rasprave.

Predstavnički dom izjašnjavao se o svim kandidatima s rang-liste.

Iz bošnjačkog naroda kandidati su bili Dževdet Tuzlić i Ahmed Jalovičić.

„Za“ imenovanje Dževdeta Tuzlića za člana Upravnog odbora Javnog radiotelevizijskog servisa BiH glasalo je 19 poslanika (iz Federacije BiH 13, iz Republike Srpske šest), „protiv“ 16, „suzdržana“ dva.

„Za“ imenovanje Ahmeda Jalovičića za člana Upravnog odbora Javnog radiotelevizijskog servisa BiH glasalo je šest poslanika (iz Federacije BiH pet, iz Republike Srpske jedan), „protiv“ 22, „suzdržanih“ devet.

Predsjedavajući je konstatirao da je za člana Upravnog odbora Javnog radiotelevizijskog servisa BiH iz bošnjačkog naroda imenovan Dževdet Tuzlić.

Iz hrvatskog naroda kandidati su bili: Jozo Pavković, Denis Naprta i Mario Vrankić.

„Za“ imenovanje Jozu Pavkovića za člana Upravnog odbora Javnog radiotelevizijskog servisa BiH glasala su 22 poslanika (iz Federacije BiH 12, iz Republike Srpske deset), „protiv“ deset, „suzdržanih“ pet.

„Za“ imenovanje Denisa Naprte za člana Upravnog odbora Javnog radiotelevizijskog servisa BiH glasao je jedan poslanik (iz Federacije BiH), „protiv“ 28, „suzdržanih“ osam.

„Za“ imenovanje Maria Vrankića za člana Upravnog odbora Javnog radiotelevizijskog servisa BiH glasala su četiri poslanika (iz Federacije BiH), „protiv“ 25, „suzdržanih“ osam.

Predsjedavajući je konstatirao da je za člana Upravnog odbora Javnog radiotelevizijskog servisa BiH iz hrvatskog naroda imenovan Jozo Pavković.

Iz srpskog naroda kandidati su bili: Radmila Bojanić, Kosta Petrušić, Miloš Šolaja, Vedran Škoro, Saša Krsman i Aleksandra Stojanović.

„Za“ imenovanje Radmile Bojanić za člana Upravnog odbora Javnog radiotelevizijskog servisa BiH glasala su dva poslanika (iz Republike Srpske), „protiv“ 27, „suzdržanih“ osam.

„Za“ imenovanje Koste Petrušića za člana Upravnog odbora Javnog radiotelevizijskog servisa BiH glasalo je 17 poslanika (iz Federacije BiH 12, iz Republike Srpske pet), „protiv“ 16, „suzdržana“ četiri poslanika.

„Za“ imenovanje Miloša Šolaje za člana Upravnog odbora Javnog radiotelevizijskog servisa BiH nije glasao nijedan poslanik, „protiv“ 25, „suzdržanih“ 12.

„Za“ imenovanje Vedrana Škore za člana Upravnog odbora Javnog radiotelevizijskog servisa BiH glasao je jedan poslanik (iz Republike Srpske), „protiv“ 24, „suzdržanih“ 12.

Za“ imenovanje Saše Krsmana za člana Upravnog odbora Javnog radiotelevizijskog servisa BiH nije glasao nijedan poslanik, „protiv“ 26, „suzdržanih“ 11.

„Za“ imenovanje Aleksandre Stojanović za člana Upravnog odbora Javnog radiotelevizijskog servisa BiH glasalo je šest poslanika (iz Federacije BiH jedan, iz Republike Srpske pet), „protiv“ 21, „suzdržanih“ deset.

Predsjedavajući je konstatirao da je za člana Upravnog odbora Javnog radiotelevizijskog servisa BiH iz srpskog naroda imenovan Kosta Petrušić.

Iz reda ostalih kandidat je bio Ljubomir Zuber.

S 25 glasova „za“ (iz Federacije BiH 15, iz Republike Srpske deset), 11 „protiv“, i jednim glasom „suzdržan“, za člana Upravnog odbora Javnog radiotelevizijskog servisa BiH iz reda ostalih imenovan je Ljubomir Zuber.

Ad. 18. Poslanička inicijativa Albina Muslića kojom Predstavnički dom Parlamentarne skupštine BiH traži od Ministarstva komunikacija i prometa BiH da, u skladu sa svojim nadležnostima, preduzme sve radnje i mjere s ciljem hitne revitalizacije Unske pruge sa aspekta razvoja željezničkog transporta Bosne i Hercegovine, te privrednog i turističkog razvoja Bosne i Hercegovine, broj: 01-50-1-1187/25 od 20. 5. 2025.

Predsjedavajući je dao uvodne napomene. Albin Muslić obrazložio je inicijativu.

Diskutirao je Jasmin Emrić.

Poslanička inicijativa Albina Muslića usvojena je s 30 glasova „za“ (iz Federacije BiH 23, iz Republike Srpske sedam), bez glasova „protiv“ i sedam glasova „suzdržan“.

Ad. 19. Poslanička inicijativa Denisa Zvizdića, Saše Magazinovića, Nihada Omerovića, Sabine Ćudić i Jasmina Emrića kojom Predstavnički dom Parlamentarne skupštine BiH inicira da Vijeće ministara BiH pokrene proceduru potpisivanja Sporazuma između Bosne i Hercegovine i Sjedinjenih Američkih Država o strateškoj saradnji u oblasti energetike u Bosni i Hercegovini, akt broj: 01-50-1-1328/25 od 10. 6. 2025.

Predsjedavajući je dao uvodne napomene, a zatim je obrazložio inicijativu.

U raspravi su učestvovali: Zlatan Begić, Denis Zvizdić, Jasmin Emrić, Jasmin Imamović, Nihad Omerović, Midhat Čaušević, Sabina Ćudić, Safet Kešo i Nermin Mandra.

Poslanička inicijativa Denisa Zvizdića, Saše Magazinovića, Nihada Omerovića, Sabine Ćudić i Jasmina Emrića usvojena je s 22 glasa „za“ (iz Federacije BiH 17, iz Republike Srpske pet), sedam „protiv“ i osam glasova „suzdržan“, bez rečenice sadržane u obrazloženju koja glasi: „Pored toga, planirana izgradnja prvog skladišta gasa u BiH, u blizini rudnika soli Tetima, uz pripadajući gasovod Kladanj – Tuzla – Tetima, dodatno bi pojačala energetske sigurnost, posebno u zimskom periodu i u slučaju poremećaja u snabdijevanju.“

Prije prelaska na tačku 20. dnevnog reda, predsjedavajući je predložio da se objedini rasprava o tačkama 20 - 24. s obzirom na to da je riječ o davanju saglasnosti za ratifikaciju materijala. Ovaj prijedlog prihvaćen je s 26 glasova „za“ (iz Federacije BiH 18, iz Republike Srpske osam), bez glasova „protiv“ i šest glasova „suzdržan“.

Ad. 20 - 24. Davanje saglasnosti za ratifikaciju

Predsjedavajući je dao uvodne napomene. Nije bilo rasprave.

Predsjedavajući je predložio da se objedini glasanje o tačkama 20 - 24. s obzirom na to da je riječ o davanju saglasnosti za ratifikaciju materijala.

Ovaj prijedlog prihvaćen je s 28 glasova „za“ (iz Federacije BiH 19, iz Republike Srpske devet), jednim „protiv“ i osam glasova „suzdržan“.

S 35 glasova „za“ (iz Federacije BiH 24, iz Republike Srpske 11), bez glasova „protiv“ i dva glasa „suzdržan“, data je saglasnost za ratifikaciju:

- izmjena i dopuna Statuta Organizacije ujedinjenih naroda za turizam i njegovog aneksa – pravila finansiranja,
- Sporazuma između Bosne i Hercegovine i Crne Gore o socijalnom osiguranju i Administrativnog sporazuma za provođenje Sporazuma između Bosne i Hercegovine i Crne Gore o socijalnom osiguranju,
- Sporazuma o pristupu visokom obrazovanju i prijemu na studije na Zapadnom Balkanu,

- Amandmana broj 1 na Ugovor o finansiranju (Koridor 5c - Mostar jug) zaključen od i između Bosne i Hercegovine (zajmoprimac) i Evropske investicione banke (Banka) 26. aprila 2018. u Sarajevu (Ugovor o finansiranju) – broj operacije (Serapis broj): 2015-0773; broj ugovora (FI broj): 87.195,
- Amandmana broj 1 na Ugovor o finansiranju sklopljen između Bosne i Hercegovine (zajmoprimac) i Evropske investicione banke (Banka) 26. aprila 2018. (Ugovor o finansiranju) – Koridor 5c - Zenica sjever, broj operacije (Serapis broj): 2015-0774; broj ugovora (FI broj): 86.971.

Sjednica je završena u 20.03 sati.

Sastavni dio Zapisnika je transkript 29. sjednice Predstavničkog doma.

SEKRETAR
PREDSTAVNIČKOG DOMA
Dražen Mustapić

PREDSJEDAVAJUĆI
PREDSTAVNIČKOG DOMA
Dr. Denis Zvizdić

